

ЎЗБЕКИСТОН ВА ТУРКМАНИСТОН ЎРТАСИДАГИ ДЎСТЛИК RIШТАЛАРИНИ МУСТАҲКАМЛАШДА МУҲИМ БОСҚИЧ



Ўзбекистон Президенти Шавкат Мирзиёевнинг таклифига биноан Туркменистон Президенти Сердар Бердимухамедов 14-15 июль кунлари давлат ташрифи билан мамлакатимизда бўлди.

Тошкентда ўтган музокараларда Шавкат Мирзиёев ва Сердар Бердимухамедов Қўшма баёнот имзоладилар. Унда эришилган асосий келишувлар мустаҳкамлаб қўйилган ҳамда икки мамлакат ўртасидаги кўп қиррالي ўзаро манфаатли ҳамкорлик ва стратегик шерикликни янада кенгайтириш ва мустаҳкамлаш бўйича узоқ муддатли вазифалар белгиланган.

Шунингдек, давлат раҳбарлари ҳузурида икки мамлакат вазирлик ва идоралари раҳбарлари томонидан битимлар имзоланди. Жами 19 та ҳужжатга имзо чекилди. Ишонамизки, самимий ва дўстона мулоқотлар, Ўзбекистон — Туркменистон ўртасида имзоланган, ҳамкорлиқнинг қатор истиқболли йўналишларини қамраб олган ҳужжатлар амалий шерикликни янада мустаҳкамлашга хизмат қилади. Умуман, Сердар Бердимухамедовнинг Ўзбекистонга давлат ташрифи кун тартибининг кенглиги ва эришилган келишувларнинг аҳамиятига кўра икки томонлама муносабатларда янги саҳифа очган муҳим воқеа бўлди. Ташрифнинг иккинчи куни Ўзбекистон Республикаси Олий Мажлиси Сенати Раиси Танзила Норбоевнинг давлат ташрифи билан мамлакатимизга келган Туркменистон Президенти Сердар Бердимухамедов билан учрашуви бўлиб ўтди. Сўхбат чоғида парламентларо мулоқот мамлакатларимиз ўртасидаги ҳар томонлама ҳамкорлик ва стратегик шерикликни мустаҳкамлашнинг муҳим қисмига айлангани таъкидланди. Ўзбекистон Республикаси Олий Мажлиси ва Туркменистон Миллий Кенгаши ҳузурида ташкил этилган парламентларо дўстлик гуруҳларининг фаолияти алоҳида қайд этилди. Шундан сўнг Туркменистон Президенти Сердар Бердимухамедов Самарқанд шаҳрига ташриф буюрди. Самарқанд халқаро аэропортида уни Ўзбекистон Республикаси Президенти Шавкат Мирзиёев кутиб олди. Туркменистон Президенти Сердар Бердимухамедовнинг Самарқандга ташрифи Исломо Каримов мақбараси зиёратидан бошланди. У давлатимиз раҳбари билан биргаликда мажмуага бориб, Биринчи Президентимиз қабрига гул қўйди. Қуръон оятлари ўқилиб, дуо қилинди.

Бу халқимизга бўлган ҳурмат, қардошларга хос оқибат ифодаси бўлди. Туркменистонлик меҳмонлар Мирзо Улуғбек музей-мажмуасини бориб кўрди. Ушбу мажмуа буюк олим қурдирган расадхона ёнида ташкил этилган. Музей икки зал ва олти бўлимдан иборат. Ундан Мирзо Улуғбек даврига оид юздан зиёд ашёлар, китоблар, қўлёзмалар, асл нусхадаги квадрант асбоби ўрин олган. Буюк бобомизнинг нодир расадхонаси, юксак илму заковати меҳмонларда катта таассурот қолдирди. Ўзбекистон ва Туркменистон Президентлари Амир Темуր мақбарасини ҳам зиёрат қилди. Бобокалонимиз руҳига Қуръон тиловат қилинди. Меҳмонларга буюк Соҳибқироннинг ҳаёти, саркардалиқ маҳорати, улкан давлати ҳақида сўзлаб берилди. Маълумки, Амир Темур ўзи идора қилган ўлкаларда илм, маданият, савдо ва хунармандчиликни ривожлантирган, мустаҳкам обидалар қурдирган. Хусусан, ҳозирги Марказий Осиё давлатларида Соҳибқирон бобомизнинг мероси алоҳида қадрланади. Давлат раҳбарлари Регистон мажмуасига ташриф буюрди. Мажмуадаги ун муҳташам обида — Мирзо Улуғбек, Шердор ва Тиллакори мадрасаларининг тарихи ҳақида сўзлаб берилди. Халқимизнинг меъморчилиқ анъаналари, мадрасалардаги нақшлар ва улардаги маънолар меҳмонларда катта қизиқиш уйғотди. Шавкат Мирзиёев ва Сердар Бердимухамедов шу ерда эсдалик учун сурагга тушди. Шу билан Туркменистон Президентининг Ўзбекистонга давлат ташрифи аяунланди.

ЎЗА.

Ўзбекистон Республикаси Президенти Матбуот хизмати сурати.

ПРЕЗИДЕНТ САМАРҚАНДАГИ БУНЁДКОРЛИК ИШЛАРИНИ КЎЗДАН КЕЧИРДИ

Президент Шавкат Мирзиёев 15 июль куни Имом Бухорий қабрини зиёрат қилди. Қуръон тиловат қилиниб, дуо ўқилди.

Маълумки, бу улғ бобомиз мақбараси ислом олами учун табаррук зиёратгоҳлардан бири. Бугунги кунда мажмуа шунга муносиб қилиб қайта қурилмоқда. Қарийб 10 минг намозхонга мўлжалланган масжид, тўртта минора, айвонлар барпо этилмоқда. Мажмуа ёнида меҳмонхоналар, автотурагоҳ, автобекат, ошхоналар, савдо расталари, таҳоратхоналар қурилади. Давлатимиз раҳбари шу борадаги ишларни кўздан кечирди, зиёратчиларга барча қулайликларни яратиш бўйича кўрсатмалар берди. — Иншооллох, бу мажмуа очилганидан кейин зиёратчилар янада кўпаяди. Айниқса, нурунийлар кўп келади. Улар учун барча қулайликларни инобатга олиш керак. Бу жой нафақат диний ва маърифий, балки улкан маданий марказ ҳам бўлиши зарур. Шу боис энг яхши гулчиларни олиб келиб, мажмуани кишин-ёзин гулзор қилиб қўйиш керак, — деди Шавкат Мирзиёев. Буткул янгича қиёфа касб этаётган мажмуа зиёрат туризмнинг йирик марказларидан бирига айланиши учун барча имкониятлар мавжудлиги, улардан

самарали фойдаланиш зарурлиги таъкидланди. Президентимиз Самарқанд туманида барпо этилаётган Туризм марказини ҳам бориб кўрди. Бу ерда 8 та меҳмонхона, конгресс-холл, «Абадий шаҳар» карвонсаройи қурилмоқда. Эшак эшиш канали тартибга келтирилиб, атрофда боғ яратилмоқда. Умуман, ушбу мажмуа туризм соҳасидаги барча халқаро стандартларга мослиги, энг замонавий хизмат кўрсатиш салоҳияти билан нафақат Самарқанд вилояти ва мамлакатимиз, балки бутун минтақада туризм индустриясини янги босқичга кўтаради. Давлатимиз раҳбари бу ерда янги халқаро анжуманлар ўтказиш учун замонавий шароитлар яратиш, халқимизнинг маданияти, маърифати, миллий таомларини намойён этиш бўйича тавсиялар берди. Шу билан Президент Шавкат Мирзиёевнинг Самарқандга ташрифи аяунланди.

ЎЗА.

ЎЗБЕКИСТОН РЕСПУБЛИКАСИ ОЛИЙ МАЖЛИСИ ҚОНУНЧИЛИК ПАЛАТАСИ ВА СЕНАТИ КЕНГАШЛАРИНИНГ ҚЎШМА МАЖЛИСИ ТЎҒРИСИДА

2022 йил 15 июль куни Тошкент шаҳрида Ўзбекистон Республикаси Олий Мажлиси Қонунчилик палатаси ва Сенати Кенгашларининг қўшма мажлиси бўлиб ўтди. Қўшма мажлисда Ўзбекистон Республикаси Олий Мажлисининг Инсон ҳуқуқлари бўйича вакили (омбудсман)нинг Қорақалпоғистон Республикасида инсон ҳуқуқ ва эркинликларини таъминлаш масаласига доир мурожаати кўриб чиқилди.

➡ 2

Дунё нигоҳи

ТУРКМАНИСТОН ПРЕЗИДЕНТИНИНГ ЎЗБЕКИСТОНГА ТАШРИФИ КЎП АСРЛИК ҚАРДОШЛИК МУНОСАБАТЛАРИ ТАРИХИДА ЯНГИ ДАВРНИ БОШЛАБ БЕРДИ

Хорижий экспертлар ҳамжамияти вакиллари Туркменистон Президенти Сердар Бердимухамедовнинг 14-15 июль кунлари Ўзбекистонга амалга оширган давлат ташрифи, унинг доирасидаги тadbирлар, жумладан, Ўзбекистон Президенти Шавкат Мирзиёев билан ўтказилган музокаралар натижаларини эътироф этмоқда.



Максим ВИЛИСОВ, Россия Фанлар академиясининг Ижтимоий фанлар бўйича илмий ахборот институти Фанлараро тadbиротлар маркази етакчи илмий ходими:

Президенти Шавкат Мирзиёевнинг таклифига биноан Тошкентда давлат ташрифи билан бўлди. Бу Туркменистоннинг 2022 йил март ойида сайланган янги Президентининг хорижга учинчи сафаридир. Ўзбекистонга ташриф икки давлат учун яхши қўшничилик муносабатлари

аҳамиятини ва глобал инқирознинг ҳозирги шароитида янада фаол ҳамкорлик қилиш заруратини кўрсатмоқда. Икки кунлик ташрифнинг кун тартиби жуда салмоқли бўлди: у жаҳон бозорларидаги (энергия, озиқ-овқат, бошқа товарлар) мураккаб ҳолат, мавжуд транспорт-логистика занжирларининг узилиши, анъанавий ўзаро инвестициялар киритиш ва ишлаб чиқариш бўйича лойиҳалар, сувдан тежамкор фойдаланиш соҳасидаги ҳамкорлик ва бошқа долзарб масалаларни қамраб олган. Айниқса, минтақада хавфсизликни таъминлаш масалалари алоҳида мавзу ҳисобланади. Давлат раҳбарлари ижтимоий-иқтисодий ривожланишнинг кўплаб йўналишлари бўйича ўз по-

зициялари юзасидан фикр алмашиш имкониятига эга бўлдилар. Чунки экспертлар куз фаслида инфляциянинг ўсиши, айниқса, энергетика ресурслари, озиқ-овқат ва саноат маҳсулотларидаги узилишлар оқибатида ижтимоий муаммоларнинг кучайиши кўринишидаги инқирознинг янги тўлқини келиб чиқиши мумкинлигини башорат қилмоқда. Бугун позицияларни ўзаро мувофиқлаштириб олиш давлат етакчиларига бошқа хорижий ҳамкорлар билан музокараларга, жумладан, келаси ҳафтада Бишкекда бўлиб ўтадиган Марказий Осиё давлатлари раҳбарларининг Маслаҳат учрашувига пухта тайёргарлик кўриш имконини берди.

➡ 2

ЎЗБЕКИСТОННИНГ ИҚТИСОДИЙ ТРАНСФОРМАЦИЯСИ МИНТАҚА ХАВФСИЗЛИГИ ВА ФАРОВОНЛИГИНИ ТАЪМИНЛАШНИНГ ЭНГ ЯХШИ НАМУНАСИ ВА МОДЕЛЛАРИДАН БИРИДИР



Халқаро солиқлар ва инвестициялар маркази (ITIC) президенти Даниэль Витт БМТ Бош Ассамблеяси томонидан қабул қилинган Марказий ва Жанубий Осиё ўртасидаги ўзаро боғлиқликни мустаҳкамлаш бўйича махсус резолюция ҳақидаги фикрларини билдирди.



Эътироф

— Резолюция БМТ Бош Ассамблеяси томонидан Ўзбекистон Президенти ташаббуси билан 2021 йил июль ойида Тошкентда ўтказилган “Марказий ва Жанубий Осиё: минтақавий ўзаро боғлиқлик. Таҳдидлар ва имкониятлар” мавзuidaги халқаро конференциядан роппа-роса бир йил ўтиб қабул қилинди. Мен ушбу халқаро анжуманда қатнашиш шарафига муяссар бўлган эдим. БМТ резолюцияси ўзаро боғлиқлик БМТнинг 2030 йилгача Барқарор ривожланиш мақсадларига эришишнинг ягона йўли эканини кўрсатмоқда.

Хавфсизлик ва ўзаро боғлиқлик инвестицияларни рағбатлантиради. Сўнгги йилларда биз кузатаётган Президент Шавкат Мирзиёев раҳнамолигида Ўзбекистоннинг иқтисодий трансформацияси минтақа хавфсизлиги ва фаровонлигини таъминлашнинг энг яхши намунаси ва моделларида биридир. Сўнгги 25 йил ичида Ғарбий Африка ва Жануби-Шарқий Осиёда минтақавий иқтисодий институтларни

➡ 2

ТУРКМАНИСТОН ПРЕЗИДЕНТИНИНГ ЎЗБЕКИСТОНГА ТАШРИФИ КЎП АСРЛИК ҚАРДОШЛИК МУНОСАБАТЛАРИ ТАРИХИДА ЯНГИ ДАВРНИ БОШЛАБ БЕРДИ



Чжан ХОНПИН, Хитойнинг “Шинжон Осиё — Европа халқаро савдо маркази” компанияси раиси:



— Аввало, Сердар Бердимухамедов Туркменистон Президенти этиб сайланган, Ўзбекистонга Марказий Осиё давлатлари орасида биринчи бўлиб ташриф буюрганига эътибор қаратмоқчиман. Бу Ўзбекистон ва Туркменистон ўртасидаги яқин алоқалар, шунингдек, Ашхобод Тошкент билан ҳамкорликка қаратаётган алоҳида эътибордан далolat беради.

Ташриф якунлари бўйича сиёсий, савдо-иқтисодий, маданий-гуманитар соҳаларда икки томонлама ҳамкорлиқни мустақамлашга қаратилган саломатли ҳужжатлар тўплами имзолангани Ўзбекистон — Туркменистон муносабатларини янада ривожлантириш учун улкан салоҳиятдан далolat беради.

Хусусан, ташриф доирасида 2022 — 2025 йилларга мўлжалланган савдо-иқтисодий ҳамкорлик ва саноат кооперациясини ривожлантириш дастурининг қабул қилингани автомобилсозлик, электротехника, тўқимачилик, фармацевтика, озиқ-овқат ва агросаноат соҳаларида савдо-саноат кооперациясини ривожлантириш учун қўлай ҳуқуқий асос яратди.

Умуман олганда, Ўзбекистон ва Туркменистон раҳбарлари ўртасида ўтган музокаралар натижалари узоқ муддатли икки томонлама муносабатларнинг пойдеворини янада мустақамлашга хизмат қилади.

Виктор КИМ, Тожикистон Миллий фанлар академиясининг Осиё ва Европа мамлакатлари институти катта илмий ходими:



— Ташриф якунлари икки давлат халқлари фаровонлиги йўлида яхши қўшничилик сиёсати руҳидаги муносабатларни ривожлантириш бўйича ўзаро эзгу ният ва интилишларни ифодалади. Бугунги ўзарувчан дунёда алоқаларнинг барқарорлиги ва узлуksизлиги катта аҳамиятга эга. Президент Шавкат Мирзиёев таъкидлаганидек, Туркменистон Президентининг давлат ташрифи икки қардош халқ ўртасидаги дўстлик ва яхши қўшничилик ришталарининг дахлсизлиги, шунингдек, бу борадаги йўналиш изчиллигининг яққол тасдиғи бўлди.

Динамик ва конструктив руҳда ўтган ташриф якунлари бўйича икки мамлакат ўртасида кўп қиралли ҳамкорлик ва стратегик шериклиқни янада ривожлантириш бўйича асосий келишувларни мустақамлаб, узоқ муддатли вазифалар белгилаб берилган Қўшма баёнот ва 19 та ҳужжат имзоланди.

Транспорт-транзит соҳасидаги ҳамкорлиқни ривожлантириш тўғрисидаги, Амударё сув ресурсларини бошқариш, муҳофаза қилиш ва улардан оқилона фойдаланиш тўғрисидаги битимлар ҳамда 2022 — 2025 йилларга мўлжалланган савдо-иқтисодий ҳамкорлик ва саноат кооперациясини ривожлантириш дастури муҳим ва истиқболли ҳужжатлар сирасига қиради.

Таъкидлаш жоизки, давлат раҳбарлари ўзаро муносабатларни кенгайтириш ва чуқурлаштириш тўғрисида қарор қабул қилиш билан бир қаторда, минтақавий хавфсизлик ва тараққиёт масалаларига ҳам катта эътибор қаратди. Афғонистондаги вазият ва бу давлатни тиклаш учун биргаликдаги саъй-ҳаракатлар зарурлиги юзасидан фикр алмашилди.

Марказий Осиё давлатлари раҳбарларининг Маслаҳат учрашувлари платформаси алоҳида аҳамият касб этиши қайд этилди. БМТ Бош Ассамблеяси томонидан қабул қилинган Марказий ва Жанубий Осиёнинг ўзаро боғлиқлигини мустақамлаш бўйича махсус резолюциядан келиб чиқиб, Ўзбекистон Президенти Туркменистон томонига ушбу резолюцияни ишлаб чиқувчи ва қабул қилишда фаол қўллаб-қувватлагани учун миннатдорлик билдирди.

Марказий Осиёда минтақавий жараёнлар ва кўп томонлама ҳамкорлик чуқурлашиши минтақадаги барча мамлакатлар тараққиёти ва фаровонлигига хизмат қилади.

Урс ШВАРЦ, Сингапурнинг “S.E.A. Business Centre Pte. Ltd.” компанияси директори:



— Таъкидлаш жоизки, Туркменистоннинг янги Президенти Сердар Бердимухамедовнинг ташрифи доирасидаги музокараларнинг асосий мавзуси икки мамлакат ўртасидаги савдо-иқтисодий ҳамкорлиқни янада кенгайтириш масалалари бўлди.

Сўнги бир неча йил ичида Ўзбекистон ва Туркменистон ўртасидаги ўзаро товар айирбошлаш ҳажми 5 баробар, яъни қарийб 1 миллиард долларгача ўсди, шунингдек, келгуси беш йил ичида уни яна икки баробарга ошириш режалари тасдиқланди. Бу нафақат икки давлатнинг иқтисодий алоқаларини фаоллаштиради, балки халқаро бизнес учун ҳам янги имкониятлар эшигини очади.

Шу нуктаи назардан, ишлаб чиқариш кооперацияси лойиҳаларини амалга татиқ этиш, ўзаро товар айирбошлаш ҳажмини ошириш, чегара савдо зонасини ташкил этишни назарда тутувчи Савдо-иқтисодий ҳамкорлик ва саноат кооперациясини ривожлантириш дастури барча соҳалар ривожига самарали хизмат қилишига ишончим комил. Бу шунингдек, Марказий Осиё минтақасидаги иқтисодий алоқаларни мустақамлашга ёрдам беради.

Ташриф натижасида эришилган кўп қиралли ҳамкорлиқни янада ривожлантириш бўйича асосий келишувлар ҳамда узоқ муддатли вазифалар ўзбек ва туркман халқлари фаровонлиги йўлида тўлиқ амалга оширилишига ишонаман.

Лю Юй, Ўзбекистондаги Хитой корхоналари уюшмаси раиси:

— Туркменистон Президенти Сердар Бердимухамедовнинг Ўзбекистон ва Туркменистон ўртасидаги кўп қиралли ҳамкорлик ва стратегик шериклиқни янада кенгайтириш бўйича асосий келишувлар ва узоқ муддатли вазифаларни белгилаб берган Қўшма баёнотни имзолагани ташрифининг энг муҳим натижаси бўлди, деб ҳисоблайман.

Шу ўринда Президент Шавкат Мирзиёевнинг брифингда Туркменистон билан ҳар томонлама ҳамкорлиқни мустақамлаш Ўзбекистон ташқи сиёсатининг устувор йўналиши эканини таъкидлаганини алоҳида қайд этишни истардим. Ўзбекистон раҳбарининг бу сўзлари Тошкентнинг энг муҳим ташқи сиёсат йўналиши Марказий Осиё минтақаси эканини яна бир бор таъкидлайди. Ўзбекистон раҳбариятининг ташаббуслари ва саъй-ҳаракатлари туфайли бугунги кунда минтақа давлатлари ўртасидаги ҳамкорлик юксак босқичга кўтарилди.

Ишончим комилки, Туркменистон Президенти Сердар Бердимухамедовнинг Ўзбекистонга ташрифи кўп асрлик қардошлик муносабатлари тарихида янги даврни бошлаб берди.

Чин Ки ХУН, Даэгу шаҳри ҳокимининг ўринбосари — халқаро алоқалар бўйича элчи, Корея Республикасининг Туркменистон ва Афғонистондаги собиқ элчиси:

— Жанубий Кореянинг Туркменистондаги собиқ элчиси сифатида Марказий Осиё давлатлари ўртасидаги алоқалар ривожини катта қизиқиш билан кузатиб бораман.

Албатта, икки мамлакатнинг ўзаро ҳамкорлиқни ривожлантириш имкониятлари ниятда кенг.

Президент Сердар Бердимухамедовнинг Ўзбекистонга ташрифи мавжуд салоҳиятдан кенгрок фойдаланиш учун яхши имконият бўлди. Энг муҳими, томонлар минтақалараро муносабатларни ривожлантиришга катта эътибор қаратмоқда.



Масалан, саммит арафасида Бухорода биринчи Ўзбекистон — Туркменистон ҳудудлараро форуми бўлиб ўтди. Форум иштирокчилари инвестиция, қишлоқ хўжалиги, автомобилсозлик, кимё, тўқимачилик, чарм-пойабзал ва электротехника саноати, савдо ҳамкорлиги каби истиқболли соҳаларга алоҳида эътибор қаратди.

Ҳудудлараро алоқаларнинг истиқболлари нуктаи назаридан шуни таъкидлашни истардимки, Ўзбекистон ва Туркменистон ўртасидаги муносабатларнинг ривожланиши бутун Марказий Осиё минтақаси мамлакатлари учун янги иқтисодий имкониятларни очиб беради.

Бу эса, ўз навбатида, Жанубий Кореянинг минтақа давлатлари билан алоқаларини янада кенгайтиришда жуда муҳим роль ўйнайди.

Хари НАРАЙНАНА, Осиё —Тинч океани технология ва инновациялар университети ректори:



— Туркменистон янги етакчисининг Марказий Осиёдаги илк давлат ташрифи учун айнан Ўзбекистонни танлагани, шубҳасиз, Ашхободнинг Тошкент билан кўп қиралли ҳамкорлик ва стратегик шериклик муносабатларининг давом эттириш устуворлигидан далolat беради.

Ушбу ташриф Марказий Осиё давлатлари раҳбарларининг навбатдаги саммити арафасида амалга оширилгани томонларга нафақат икки томонлама кун тартибидagi, балки минтақавий масалаларни ҳам муҳокама қилиш имконини бергани билан ҳам жуда муҳим аҳамият касб этди.

Минтақада яратилган барқарор сиёсий муҳит ва Марказий Осиё давлатлари раҳбарлари ўртасидаги ўзаро ишонч, айниқса, Президент Шавкат Мирзиёев томонидан илгари сурилаётган ташаббуслар Марказий Осиёда минтақавий интеграцияни янада ривожлантиришга хизмат қилади.

Олий даражадаги Ўзбекистон — Туркменистон музокаралари якунлари икки давлатнинг замонавий алоқаларида мустақам пойдевор бўлади ва ҳамкорлиқнинг сифат жиҳатидан аниқ ва самарали натижаларга эришиш бўйича ўрта ва узоқ муддатли вазифаларни белгилаб берди. Буни томонлар имзолаган 19 та ҳужжат ҳам тасдиқлаб турибди.

Ишончим комилки, ташриф чоғида қабул қилинган Савдо-иқтисодий ҳамкорлик ва саноат кооперациясини ривожлантириш дастури автомобилсозлик, кимё, электротехника, тўқимачилик, озиқ-овқат ва қишлоқ хўжалиги соҳаларида янги қўшма лойиҳаларни амалга оширишга хизмат қилади.

Усмонали МУХАММАД, Саудия Арабистонидagi туркман диаспораси вакили:

— Ватандан узоқда бўлсак-да, Ўзбекистон Президентининг 2021 йил апрель ойидаги Ашхободга бўлган ташрифи ва бунга жавобан

Туркменистон Президентининг ташрифларини диққат билан кузатиб бораёلمиз.

Мана шундай олий даражадаги мулоқотларнинг расмий ташрифлар билан фаоллашуви икки томонлама муносабатлар тарихида янги саҳифа очиб, ўзаро ҳамкорлиқни янги босқичга олиб чиқади.

Ўзбекистон — Туркменистон муносабатлари доимо зиддиятлардан холи бўлиб, фақатгина серқирра ҳамкорлик руҳида ривожланиб келган. Айниқса, сўнгги олти йил давомида икки томонлама алоқалар янада мустақамланди.

Ҳозирги кунда турли соҳаларда ўзаро манфаатли алоқаларни янада кенгайтириш учун улкан истиқболлар мавжуд. Олий ва юқори даражадаги ташрифлар алмашувининг фаоллашуви эса Ўзбекистон ва Туркменистоннинг мавжуд имкониятлардан тўлиқ фойдаланишига хизмат қилади.

Жумладан, денгизга чиқиш йўли бўлмаган Ўзбекистонни Туркменистон жаҳон бозорига энг қисқа йўл билан олиб чиқиш имкониятига эга давлатдир.

Ўзбекистон ҳам ўз салоҳиятидан келиб чиқиб, Туркменистоннинг газни қайта ишлаш ва агросаноат каби соҳаларида амалга оширилаётган лойиҳаларда бевосита ва фаол иштирок этиши мумкин.

Эктор РОДРИГЕС, Испаниянинг “СЕРСОБЕ” асбоб-ускуналар ишлаб чиқарувчилар уюшмасининг Шарқий Европа ва МДХ давлатлари билан ҳамкорлик бўлими бошлиғи:



— Давлатлараро аънаваный стратегик ҳамкорлик муносабатлари ҳар икки томоннинг баёнотлари билан яна бир бор тасдиқланди. Бу Марказий Осиёда минтақавий тараққиётнинг яхши қўшничилик ва қардошлик руҳи мавжудлигидан далolat беради.

Туркменистон раҳбарининг Ўзбекистонга илк давлат ташрифи стратегик шериклик характерига эга, қардош ўзбек ва туркман халқларининг азалий дўстлик, яхши қўшничилик ва ўзаро қўллаб-қувватлаш аънаваларига асосланган икки томонлама муносабатларни мустақамлаш йўлидаги муҳим қадам бўлди.

Айни пайтда Марказий Осиёнинг ушбу давлатлари ижтимоий-иқтисодий ривожланишнинг устувор йўналишлари ва томонларнинг миллий манфаатларига тўлиқ жавоб берадиган ҳамкорлик муносабатларини сифат жиҳатидан янги босқичга олиб чиқишга интилоқда.

Ўзбекистон Президенти Шавкат Мирзиёевнинг ўзаро ишончга асосланган сиёсати туфайли икки давлат ўртасида манфаатли ҳамкорлик муносабатлари жадвал ривожланимоқда. Муносабатларнинг асосий векторларидан бири савдо-иқтисодий алоқалар бўлиб, улар доимо давлатлараро мулоқотнинг устувор мақсадларига хизмат қилмоқда. Ўзаро товар айирбошлаш ҳажмининг изчил ўсиб бораётгани ҳам ушбу фикрни тасдиқлаб турибди.

«Дунё» АА.

ЎЗБЕКИСТОННИНГ ИҚТИСОДИЙ ТРАНСФОРМАЦИЯСИ МИНТАҚА ХАВФСИЗЛИГИ ВА ФАРОВОНЛИгини ТАЪМИНЛАШНИНГ ЭНГ ЯХШИ НАМУНАСИ ВА МОДЕЛЛАРИДАН БИРИДИР



Президент Шавкат Мирзиёевнинг минтақавий алоқаларни мустақамлаш борасидаги ташаббуси доирасида Ўзбекистон бошқа давлатлар учун яна бир бор ёрқин намуна бўлиб хизмат қилаётганини алоҳида таъкидлашни истардим. “Economist” журнали 2019 йилда Ўзбекистонни “Йил мамлақати” деб эълон қилганини яхши эслаيمان. Ўзбекистон Президенти томонидан инсон ҳуқуқларини ҳимоя қилиш соҳасида амалга оширилаётган ислохотлар ва ўзгаришлар бу соҳада салмоқли натижаларга эришиш учун нималар қилиш зарурлигига ижобий мисол бўла олади.

Минтақавий алоқаларни янада мустақамлаш учун, аввало, ўзаро манфаатли иқтисодий ҳамжамият ва эркин савдо ҳудудларини яратиш зарур.

Иккинчидан, 20 йилдан ортиқ вақт давомида Ўзбекистонни Ҳинд океани билан боғлайдиган темир йўл қурилиши ҳақида му-

зокаралар олиб борилмоқда. Менимча, ушбу темир йўл қурилиши лойиҳасини кечиктирмасдан амалга ошириш керак. Ушбу лойиҳа бюджети 4 — 6 миллиард доллар атрофида баҳоланаётганидан хабаримиз бор. Бу маблағ тинчликни мустақамлаш ва фаровонлиқни таъминлаш учун иқтисодий имкониятларни ошириш йўлида арзимаган миқдордаги маблағдир.

Учинчидан, минтақадаги барча давлатлар солиқ ва божхона органлари фаолиятини рақамлаштириши керак. Бу товарлар ва инвестицияларнинг эркин оқими қўллаб-қувватлайди, шунингдек, коррупцияни қаматириш ва бюджет учун даромад олиш учун платформага айланади.

Минтақавий ва иқтисодий хавфсизлик Марказий ва Жанубий Осиёни бир минтақага бириктиришга хизмат қилади. Бу эса тинчлик ва фаровонлиқнинг гаровидир.

«Халқ сўзи»

ТОШКЕНТДАГИ УЧРАШУВЛАР ШҲТ ВА МДХ МАЙДОНИДА САНОАТ РИВОЖИГА ХИЗМАТ ҚИЛАДИ

Тошкент шаҳридаги Халқаро анжуманлар саройида 15 июль кун Шанхай ҳамкорлик ташкилотига аъзо давлатлар саноат вазирлари учрашуви ва Мустақил Давлатлар Ҳамдўстлигига аъзо давлатлар саноат сиёсати бўйича Кенгашининг VIII йиғилиши бўлиб ўтди.

Дастлаб саноат соҳаси давлат идоралари раҳбарлари ШҲТ доирасида саноатни ривожлантириш, кооперация асосида ишлаб чиқариш ҳажмини барқарор ўстириш, қўшма инвестиция лойиҳаларини йўлга қўйиш, янги технологиялар жорий этиш, моддий ва молиявий ресурслар жалб қилиш, меҳнат унмдорлигини ошириш ва саноат маҳсулотларини диверсификация қилиш бўйича ҳамкорлиқни янада жадаллаштириш масаласини муҳокама қилди.

Делегация раҳбарлари айна йўналишдаги шериклиқни жаҳондаги геосиёсий вазиятнинг ҳисобга олган ҳолда ривожлантиришнинг долзарб жиҳатлари, юзага келаётган муаммоларга биргаликда жавоб қоралари қўриш юзасидан ҳам фикр алмашди.

Йиғилишда давлат корхоналари ўртасида ўзаро ҳамкорлиқни ошириш ва ишлаб чиқариш боғлиқлигини юзага келтиришга ҳам алоҳида эътибор қаратилди. Бундан ташқари, мамлакатимиз саноат ишлаб чиқариш салоҳиятини

Мажлисида Олий Мажлис палаталари Кенгашининг 2022 йил июль ойида Қорақалпоғистон Республикасида юз берган ҳолат ва воқеаларни ўрганиш ҳамда улар юзасидан мустақил текширув ўтказиш бўйича комиссия тузиш тўғрисидаги қўшма қарори қабул қилинди.

Мазкур қарор билан комиссия таркиби ва Комиссия тўғрисидаги низом ҳам тасдиқланди.

Комиссия таркибига Ўзбекистон Республикаси Олий Мажлиси вакиллари ва халқ депутатлари, нодавлат нотижорат ва жамоат ташкилотлари раҳбарлари

Ўзбекистон Республикаси Олий Мажлиси Сенатининг Ахборот хизмати.

ни кўрсатиш мақсадида кўргазма ташкил қилинди.

Қолаверса, учрашув давомида ШҲТга аъзо давлатлар ишбилармон доиралари ўртасида саноат кооперациясини рағбатлантириш дастури, шунингдек, Конгресс ва кўргазма тадбирларини саноат вазирлари йиғилиши шафелигидега ўтказиш ҳамда Саноатдаги инвестиция лойиҳалари маълумотлар банкни яратиш тўғрисидаги низомлар лойиҳалари қўриб чиқилди.

МДҲга аъзо давлатлар саноат сиёсати бўйича кенгаши йиғилиши доирасида ҳам бир қатор лойиҳалар муҳокама қилинди. Жумладан, саноат кооперациясини ривожлантиришнинг концептуал йўналишлари дастури

лоийҳаси, 2035 йилгача энергетика соҳасида ҳамкорлик концепцияси ва ҳужжат ижросини таъминлаш бўйича устувор чора-тадбирлар режаси иштирокчилар эътиборига ҳавола қилинди.

Бундан ташқари, меҳмонлар мамлакатимизнинг мавжуд саноат салоҳияти ва кооперация амалиётини намойиш этувчи объектларда бўлиб, ишлаб чиқариш жараёни билан яқиндан танишди.

Ҳар икки анжуман якунида масъул вакиллар саноат соҳасида изчил ҳамкорлиқни давом эттиришга келишиб олдилар.

Уллубек МАҲМИРЗАЕВ, ЎЗА мухбири.

ХОТИН-ҚИЗЛАРНИНГ КОРРУПЦИЯГА ҚАРШИ КУРАШИШ БОРАСИДАГИ БИЛИМЛАРИ ОШИРИЛМОҚДА

Пойтахтимизда Коррупцияга қарши курашиш агентлиги томонидан Олий Мажлис Сенати, Оила ва хотин-қизлар давлат қўмитаси ҳамда Бирлашган Миллатлар Ташкилоти Тараққиёт дастурининг мамлакатимиздаги ваколатхонаси ҳамкорлигида ташкил этилган “Ўзбекистон Республикасида коррупцияга қарши курашишда хотин-қизларнинг ролини қучайтириш ва фаоллигини ошириш” мавзусида тренинг бўлиб ўтмоқда.

Тренинг

Тадбирда 40 дан ортиқ идора ва ташкилотларнинг 100 нафарга яқин вакиллари, шунингдек, Қорақалпоғистон Республикаси Вазирлар Кенгаши Раиси ўринбосари — Оила ва хотин-қизлар қўмитаси раиси, Тошкент шаҳар ва вилоятлар ҳокимлари ўринбосарлари — оила ва хотин-қизлар бошқармалари бошлиқлари қатнашмоқда.

Мазкур тренингдан кўзланган асосий мақсад — давлат органлари ва ташкилотлари,

нодавлат нотижорат ташкилотлари, оммавий ахборот воситаларида фаолият юритаётган хотин-қизлар, шунингдек, жамоатчилик фаоллари ҳамда блогерларнинг мамлакатда коррупцияга қарши курашишдаги ўрни ва фаоллигини ошириш, бу борада аёлларнинг билим ҳамда салоҳиятини қучайтириш, тегишли усул ва воситалар ҳақида хабардор қилиш, ушбу усул ҳамда воситаларни амалиётда қўллаш

масалаларини таҳлил этишдан иборат.

Машгулотлар “Transparency International” ташкилотининг экспертлари томонидан олиб борилаётди. Тренингда иштирокчиларга коррупцияга қарши курашиш ва барқарор ривожланиш мақсадларига эришишда аёлларнинг роли ҳамда коррупцияга қарши курашиш ва жамиятни жалб қилишда жамоавий ҳаракатлар хусусида батафсил маълумотлар берилмоқда.

Ўз навбатида, бизнес ва нотижорат ташкилотлари учун коррупцияга қарши воситалар ҳамда жамоатчилик нозорати имкониятлари ҳам қўриб чиқилляпти.

Бугун, яъни тренинг якунида иштирокчиларга Коррупцияга қарши курашиш агентлиги ва БМТ Тараққиёт дастури томонидан сертификатлар топширилиши кўзда тутилган.

«Халқ сўзи».

ТАШҚИ БОҒЛИҚЛИКДАН ХАЛОС БЎЛИШ ЙЎЛИДА ЯНА БИР ҚАДАМ

Мамлакатимизда “Навоийуран” давлат корхонаси уран қазиб олиш ҳамда уран оксиди ва чала оксиди кўринишидаги маҳсулотни четга чиқаришни амалга оширувчи ягона субъект ҳисобланади. “Зафаробод” кон бошқармаси корхонанинг уран маҳсулотини етказиб берувчи асосий бўлинмаларидан бири ҳисобланиб, унинг тизимида бошқармага қарашли 14 та уран кони ҳамда бу конларни ўзида бирлаштирган 4 та геотехнологик кон фаолият олиб бормоқда.

Маҳаллийлаштириш



фаолиятини бошлаган бурғилаш ускуналарининг эҳтиёт қисмларини ишлаб чиқариш устакиси эса кончиларнинг бурғилаш жараёнида эҳтиёт қисмларга бўлган эҳтиётларни тўла



Жорий йилнинг 19 майида давлатимиз раҳбари геология соҳасини янада ривожлантириш, фойдалани маъданлар ва ер ости суви захираларини кенгайтиришга қаратилган лойиҳалар тақдими билан танишаркан, жумладан, “Навоийуран” ДКни трансформация қилиш, хорижий мутахассисларни жалб этиб, технологик жараёнларни такомиллаштириш вазифаларини белгилла берди. Шунингдек, уран захирасини халқаро стандартларга мувофиқ баҳолаш, сўнгги технологиялар асосида рудадан уранни ажратиш олиш даражасини ошириш муҳимлиги қайд этилиб, ҳақон бозоридан уран нархи барқарор ўсиб бораётгани, янги лойиҳаларда бу хомашёни қайта ишлаш ва қўшилган қиймат яратишга алоҳида эътибор қаратиш кераклиги таъкидланди.

Табиийки, бу масъулиятли вазифалар “Навоийуран” ДК муҳандис-технологларидан ишлаб чиқариш жараёнидаги доимий ва узлуқсиз фаолиятини таъминлаш, бурғилаш ишларини белгиланган режага мувофиқ тизимли олиб бориш ва ускуналарнинг доимий соз ҳолатда бўлишини йўлга қўйишни талаб этади. Айни чоғда, бу, маҳаллийлаштириш ва саноат кооперацияси кўламини кенгайтириш, демаскир. Шу ўринда яқин-яқинларгача, аниқроғи, 2016 йилга қадар таъмирлаш учун керак бўладиган эҳтиёт қисмларнинг аксарияти Россия Федерациясидаги “Кунгур” машинасозлик заводидан келтирилганини эсламоқ жоиз. Бугун эса бурғилаш ускуналарининг эҳтиёт қисмлари “Навоий кон-металлургия комбинати” АЖ таъсиратидаги “Навоий машинасозлик заводи” ва мамлакатимиздаги маҳаллий ишлаб чиқарувчилар томонидан етказиб берилмоқда.

“Навоийуран” ДК тизимида ўз

Темур ЭШБОЕВ
(«Халқ сўзи»).



Қарор ва ижро

Президентимизнинг 2022 йил 10 февралда қабул қилинган Усмон Носир таваллудининг 110 йиллигини мамлакат миқёсида кенг кўламда нишонлаш ҳақидаги қарори оташин шоирнинг хотирасини абадийлаштиришда муҳим дастуриламал бўлди. Мазкур ҳужжат асосида ишчи гуруҳи томонидан ижодкорнинг ҳаёти ва фаолиятини, хусусан, унинг қатагон даврида кечган йилларини ўрганиш, ҳозирги кунга қадар номаълум бўлиб келаётган қўлэзма асарларининг тақдири ҳақида маълумотлар тўплаш ишлари олиб борилмоқда. Китобларини қайта нашр этиш, шоир ҳаёти ва ижодий фаолияти ҳақида ҳужжатли фильм суратга олиш, спектакллар саҳналаштириш кўзда тутилган.

Ушбу жараёнда азиз умрини юртимиз истиқболи, озодлиги учун баҳишда этган, маърифатпарвар, жадид бобомиз таваллуд топган масканда юбилей тантаналарига қандай тайёргарлик кўрилоқда? Ушбу саволга жавоб излаб, Усмон Носирнинг туғилган гўшаси — Наманганда бўлди.

Шоир таваллуд топган маҳалла

— Узоқ изланишлардан кейин тадқиқотчи олимлар томонидан Усмон Носирнинг туғилган жойи, яъни онаси Холамбиди келин бўлиб тушган мулла Маматхўжанинг хонадони Намангандаги ҳозирги Амир Темури номидаги маҳалла, Жийдақапа кўчаси, 60-ўй манзилида жойлашган 22-мактаб ёнида экани аниқланди, — дейди Усмон Носир ҳаёти ва ижодини архивлардан ўрганиб, илмий тадқиқотлар олиб бorgan, шу асосда иккита китоб чоп этган журналист Раҳимжон Ирисов. — Архивлардан топишган маълумотлар кўра, ўтган асрнинг бошларида бу жой “Чукуркучинский даха, улица Чукуркучинская” деб қайд этилгани маълум бўлди. Кейинчалик у бошқарувчилар томонидан Куйбишев кўчаси (ҳозирги Жийдақапа) деб номланган.

Худди ана шу жойда истиқомат қилган тақводор Маматхўжа ашон масжид имоми мулла Адҳам Охуннинг тўнғич қизи — Холамбидига уйланган. Тўйдан кейин 1912 йилнинг 13 ноябрида Усмон дунёга келади. Лекин орадан икки йил ўтар-ўтмас мулла Маматхўжа оғир дардга чалиниб вафот этади. Шундан кейин Холамбидининг инилари — Абдураҳмон ва Абдуқоим уларни ўз уйларида кўчириб кетишади. Шу тариқа Холамбиди Носир ҳожи Масодқовга

турмушга чиққунга қадар “Танхоғур бува” зиёратгоҳи ёнидаги ота ҳовлисида яшади. Ўтган асрнинг 40 — 50 йилларида Усмон Носир туғилган хонадон ўрнида собиқ Энгельс жамоа ҳўжалигининг идораси ва клуби қурилган, унинг рўпасидаги катта майдонда Ленин хайкали бўлган. Клубда Наманган шаҳридаги 2-болалар кутубхонаси жойлашган. Кейинчалик ушбу жойдан Андижон — Наманган вилоятлараро қатнайдиган автобусларнинг тўхташ манзили сифатида фойдаланиб келинган. Вилоятда тузилган ишчи гуруҳи томонидан оташин шоир хайкалини ана шу майдонга ўрнатиш таклифи берилган ва қўшимча тарзда вилоят марказидан яна бир худуд тавсия этилган. Шаҳарда Усмон Носир номи берилган кўча борлиги сабабли хайкал ўрнатиладиган майдонга қадар номини бериш масаласи кун тартибидан турибди. Бундан ташқари, ўтган қисқа муддат мобайнида бу ердаги 22-умумий ўрта таълим мактаби Усмон Носир таваллудининг 110 йиллигини нишонлаш тўғрисида Президент қароридан белгиланган чора-тадбирлар доирасида қайта таъмирланди.

Мулла Адҳам Охун хонадони

Меъзонлар бизни шоирнинг илк болалик йиллари ўтган, ҳаётининг очилмаган саҳифаларини ўз бағрига олган Чукуркўча да-

ҳасига бошлади. Бу ерда жойлашган хонадонларга Бобуршоҳ кўчасидан бир оз пастга қараб эниб борилади. Асосан, эски ва ноҳор уйлар, унда-бунда дангилама хонадонлар кўзга ташланади. Йўллар таъмирга муҳтож, энди-энди бир-иккита кўчаларга асфальт ётқизилмаётган экан. “Танхоғур бува” зиёратгоҳидан ўтган пахса ва сувоқ уйлар қаторида, бир асрлик залварни гарданига олиб, мунгайиб қолган, лекин ўз вақтида энг олд хонадонлардан бири бўлган, нақшинкор дераза ромлари чўкиб, тиргак берилган хонадонлар анчагина экан...

Наманган тарихи билимдони Аҳмад Убайдуллоҳ маълумотларига кўра, Холамбидининг ота манзили — Адҳам Охуннинг хонадони ана шу Бобуршоҳ кўчасидаги “Агролизинг” АК Наманган вилояти филиали биноси ёнидан қириладиган Чукуркўча даҳасида жойлашган. Маҳаллага қираверишда, пастликда “Танхоғур бува” зиёратгоҳи бор.

Усмон Носирнинг жияни, шоира Нодира Рашидованинг ҳам таъкидига кўра, Холамбиди икки яшарлик ўғли Усмон билан кўчиб келган ота ҳовли — мулла Адҳам Охуннинг ўйи шу ерда бўлган. Нодира опа ўтган асрнинг 80-йилларида Усмон Носирнинг болалиги ўтган ўша ҳовлини излаб топган. У ерда мулла Адҳам Охуннинг невараси, Абдураҳмон домланинг қизи Мавлудахон яшаган...

Биз Кўзагарлик, Лангар кўчалари бўйлаб юраканимиз, юз йиллик тарихга эга бўлган қадим хонадонларни учратдик. Улардан бирининг деразаларига тахта қўқиб ташланган, ноҳор аҳволда. Бошқасида эса тадбиркорлар савдо, маиший хизмат кўрсатиш шохобчаларини очиб олишган...

Тайёргарлик нега сўст?

Бизни бир савол қийнаб бошлади. Ҳаётини халқнинг маърифатини, маънавиятини юксалтиришга бағишлаган Усмон Носир туғилган, икки ярим мингдан зиёд фуқаролар истиқомат қилаётган Амир

Темури номидаги маҳаллада Президент қарорига мувофиқ нишонланадиган юбилей шодиёнасига тайёргарлик ишлари нега бунчалик сўст? Ростки, дунёга маълуму машҳур шоир номига маҳалланинг бугунги кўрку жамоли ҳам муносиб эмасдек. Бу ерда қайтадан таъмирланган битта умумтаълим мактабидан бошқа ижтимоий-маданий муассаса, маданият маркази, кутубхона, тиббий хизмат шохобчаси ёки болалар боғчаси йўқлигиндан кўз юмиб бўлмайди. Деярли шаҳарнинг қоқ марказида, хонадонлари кўпрок чолдорларни эслатадиган маҳаллада ободонлаштириш ишлари олиб борилиб, кўчалар асфальт қилинса, шоирнинг руҳи, албатта, шод бўлади. Таассуфки, ҳатто бу ерда истиқомат қилаётган фуқароларнинг кўпчилиги шу маҳалладан Усмон Носирдай буюк шоир чиқганини билмайди ҳам. Шундай бўлган, фахр ҳисси ҳақида гапирмасак ҳам бўлади...

Давлатимиз раҳбарининг сайё-ҳаракати билан мамлакатимизда инсон қадрини улғулаш, Ватан озодлиги учун курашган қатагон кўрбонларининг номини абадийлаштириш, уларнинг руҳи-покларига иззат-икром кўрсатиш йўлида жуда кўп хайрли ишлар амалга ошириляпти.

Ўз Ватанини, озодлиқни қуйлаб, ноҳақлик ва мустабид тузум кўрбони, қилчдай кескир сўзи, буюк истеъдод соҳиби бўлган шоирнинг руҳига эҳтиром сифатида қабул қилинган Президент қарорининг ҳаётбахш ижроси, тўғи тайёргарлик кўриш айнан Усмон Носир туғилган, болалиги ўтган маҳалладан бошланиши аини мудида. Лекин бу эзгу мақсадларни амалга оширишда масъул мутасаддилар, барча жамоатчилик биргаликда ҳаракат қилсагина, керакли натижаларга эришиш мумкин.

Сўзимиз якунида айтмоқчи бўлганимиз, Ватан шаъни, юрт озодлигини ўз шеърларида баралла қуйлаган шоир хотираси юксак ҳурмат-эҳтиромга лойиқ.

Нуруллоҳ ОСТОНОВ
(«Халқ сўзи»).

Туйғу

Усмон Носир

“Асов юрак
Тинарми ўйлада,
Учай наҳот нозим овози?!” —
Синса наҳот Мажнун илҳиди
Ёрдан афзал суюкли сочи.

Сибирь қаҳри қақшатар тинни,
Сил ўлкаси
Қон қусар, эй воҳ,
Йироқларда қолди Ватани,
Бунда изғир шамоллар нечоғ?..

Ўз қони-ла,
Шоир ёзар шеър,
Деворларда сатрлар қон ранг.
Дил тубида ўқиради шер,
Авахтадан таралар оҳанг...

Боғим ичра сайрар бир қушча!
Қароғида ажиб аланга.
Нечун,
Унга қарайман бунча? —
У кўз тикиб тўймак Ватанга!

Турсун АЛИ

ПОЙТАХТИМИЗДА «ЎЗСАНОАТҚУРИЛИШБАНК» АТБНИНГ ЎҚУВ ВА IT МАРКАЗЛАРИ ОЧИЛДИ

Тошкент шаҳрида “Ўзсаноатқурилишбанк” АТБ томонидан янгича қиёфа ва янги иш услубида Ўқув ҳамда IT марказлари фаолияти йўлга қўйилди. Бунда ходимлар учун хавфсиз ва замонавий меҳнат шaroитларини яратиш билан бирга қулай ижодий муҳитни ҳозирлаш мақсади илгари сурилди.

Молия муассасаларида

2020 — 2025 йилларга мўлжалланган Ўзбекистон Республикасининг банк тизимини ислоҳ қилиш стратегиясида кадрлар салоҳиятини ошириш, хусусан, кадрларни бошқаришнинг корпоратив услубларини такомиллаштириш, кадрларни узлуқсиз ўқитиш тизимини жорий қилиш, бунда етакчи хорижий банклар ва консултантлар билан ҳамкорлик масалалари алоҳида ўрин олган. Шунингдек, стратегияга кўра, банк тизимига замонавий сервис ечимлари асосида ахборот ва молиявий технология-

ларни кенг жорий этиш, ахборот хавфсизлигини лозим даражада таъминлаш, онлайн хизмат кўрсатишга асосланган турли дастурий таъминотлар яратиш талаб қилинмоқда.

Шу боис “Ўзсаноатқурилишбанк” АТБ тизимида ушбу икки йўналишга катта эътибор қаратилган ҳолда янги мақсад ва вазифалар билан замонавий услубда Ўқув ҳамда IT марказлари иш бошлади.

— Тараққиётнинг ҳар босқичида инсон омилли ўз долзарблигини йўқотмай кел-

моқда, — дейди марказларнинг очилиш маросимидида сўз олган “Ўзсаноатқурилишбанк” АТБ Бошқарув раиси Саҳи Аннакичев. — Ҳатто бугунги рақамлаштириш жараёнида ҳам ҳар қандай янгилик бевосита кадрлар кучи билан юзага келмоқда. Шунинг учун банк тизими трансформацияси жараёнида ушбу икки йўна-

таркиб топган бўлса, IT марказда дастурчилар, менежерлар, сервер хоналаридан ташқари, музокаралар ўтказиш хоналари ҳам ўрин олган.

— Ўқув марказининг асосий мақсади банк ходимларининг касбий тайёргарлик даражасини ошириш, стратегик ва операцион мақсадларга эришиш учун зарур



лишда ҳам бошқарув тизими ва шарт-шaroитларни анчайин такомиллаштиришга ҳаракат қилиди. Бинонинг биринчи қаватида ўқув маркази, иккинчи қаватида эса IT марказ ўрин олган бўлиб, у замонавий архитектура услубида барпо этилган. Хоналарга замонавий мебель, жиҳозлар ҳамда технологик воситалар ўрнатилди. Спорт-соғломлаштириш хонаси ташкил этилган. Ўқув маркази ўқитувчилар хонаси, маърузалар зали, мингдан зиёд китоблар фондига эга кутубхона кабилардан

бўлган ходимларни доимий равишда такомиллаштириш механизмларини жорий этишдан иборат, — дейди “Ўзсаноатқурилишбанк” АТБ Ўқув маркази раҳбари Озода Саидқаримова. — Бундан ташқари, банк ходимларининг ички ва ташқи тайёргарлиги, шунингдек, масофавий таълим тизимини ривожлантирилади, ходимларни баҳолаш тизими ишлаб чиқилади. Маҳаллий ҳамда хорижий олий ўқув юртлиари ва қатор халқаро ташкилотлар билан ҳамкорликда турли ўқув дастурлари бўйича



илмий-амалий семинар ҳамда тренинглар ташкил этилади.

Бундан ташқари, ходимларни бир жамоа бўлиб ишлашга, жамоадаги психологик муҳитни янада яхшилашга ҳамда уларнинг ишга ва янги лавозимларга мослашувини тезлаштиришга хизмат қилувчи дастурлар ишлаб чиқилади. Уларда “soft skills” ҳамда “hard skills” кўникмалари янада ривожлантирилади.

— Тузилмамиз ходимлари фаолияти, асосан, дастурлаш, иловалар яратиш, банк бизнес жараёнларини рақамлаштириш ва мижозлар учун янги рақамли хизматларни йўлга қўйишга қаратилганлиги боис улар учун ҳар томонлама қулай ижодий муҳит яратиш муҳим ҳисобланади, — дейди “Ўзсаноатқурилишбанк” АТБ Ахборот технологиялари департаменти директори Абдор Кенжаев.

— Эндиликда IT марказда дастурчилар гуруҳидан иборат мутахассисларимиз замонавий ҳамда иш шaroити ўзига хос

дизайнга эга муҳитда фаолият юритади. Бу, ўз навбатида, бугунги кунда банк бизнес моделини автоматлаштириш жараёнида зиммамиздаги вазифаларни ўз вақтида ва самарали бажаришимизда муҳим роль ўйнайди.

IT марказда бир неча “Agile” гуруҳлари ҳам фаолият юритади. Улар банк тизимида жорий қилинаётган янги лойиҳалар ва хизматларни ишга туширишда кўмаклашиш борабариди, ўзлари ҳам муассасанинг стратегик вазифаларидан келиб чиқиб дастурий маҳсулотлар яратади. Хусусан, бугунги кунда гуруҳ аъзолари “CRM” дастурини ишлаб чиқиш, кредит конвейерини амалиётга татбиқ этиш, риск моделини қайта тайёрлаш каби лойиҳалар устида иш олиб бормоқда.

Банк Ахборот хизмати.

Хизматлар лицензияланган.

Халқ сўзи Народное слово

МУАССИСЛАР:
Ўзбекистон Республикаси
Олий Мажлиси Қонунчилик палатаси Кенгаши,
Ўзбекистон Республикаси
Олий Мажлиси Сенати Кенгаши

Бош муҳаррир Ўткир РАҲМАТОВ

2020 йил 25 мартда Ўзбекистон Республикаси Президентини Администрацияси ҳузуридаги Ахборот ва оммавий коммуникациялар агентлигида 0001-рақам билан рўйхатга олинган. Нашр индекси — 229. Буюртма Г — 748. 24 563 нусхада босилди, ҳажми — 2 табоқ. Офсет усулида босилган. Қоғоз бичими А—2. Баҳоноси келишилган нархда.

Газетанинг ҳақидаги маълумотларни қўлаб олиш учун QR-коднинг телефонингиз орқали сканер қилинг.



ТЕЛЕФОНЛАР:
Девонхона 71-233-52-55;
Котибият 71-233-10-28; Эълонлар 71-232-11-15.



Тахририятга келган қўлабмақал тақриз қилинмайди ва муаллифга қайтарилмайди.
Газетанинг етказиб берилиши учун обунани расмийлаштирган ташкилот жавобар.
Газета тахририят компьютер марказида терилди ҳамда оператор А. Исмаилов томонидан саҳифаланди.

Газетанинг полиграфик жиҳатдан сифатли чоп этилишига “Шарқ” нашриёт-матбаа акциядорлик компанияси масъул.
Босмахона телефони: 71-233-11-07.

• МАНЗИЛИМИЗ:

100000,

Тошкент шаҳри,

Матбуотчилик кўчаси, 32-уй.

Навбатчи муҳаррир — А. Сойибназаров.
Мусаҳҳиҳ — Ш. Машираббоев.

“Шарқ” нашриёт-матбаа акциядорлик компанияси босмахонаси. Корхона манзили:
Буюк Туран кўчаси, 41. ЎзА якуни — 01.36 Топширилди — 02.10 1 2 3 4 5 6